

## ARLeF a Friuli Doc 2016 sot de Loze dal Lionel

*Un bancut cun materiâi informatîfs par contâ la pluralitât linguistiche dal Friûl  
Par furlan ancje il sît de manifestazion.*

Si rinove ancje pal 2016 la colaborazion de Agenzie Regjonâl pe Lenghe Furlane (ARLeF) cul Comun di Udine in ocasion de plui impuartante manifestazion enogastronomiche regjonâl, midiant di une presince stabile a Friûl Doc dai 8 ai 11 di Setembar. Di fat, intal cûr de fieste, intun spazi dedicât, **sot de Loze dal Lionel, al sarâ preparât un bancut cun materiâi informatîfs promoziônai** in plui lenghis, dulà che a vignaran distribuîts ancje gadget e varis materiâi informatîfs.

Cun di plui, **doi a son i apontaments programâts pai plui piçui**: sabide ai 10, cun orari 11.15-12.15, e domenie ai 11, cun orari 11.00-12.00, li dal Spazi Fruts de ERSA si farâ la leture animade trilingâl de flabe "Il Diaul e la Gubane".

«Se Friuli Doc al rapresente une vetrine straordenarie pes ecelencis dal teritori – al sclarîs il president de ARLeF, Lorenzo Fabbro -, chest al è vêr no dome pe enogastronomie, ma ancje par promovi ricjesis culturâls: la pluralitât linguistiche dal Friûl no je une carateristiche secondarie ma, al contrari, e rapresente un trat culturâl unic, prezîos e di no podê fâ di mancûl par relazionâsi e par promovi il teritori».

Di là de organizazion dai bancuts, la ARLeF e à garantît al Comun la presince de comunicazion plurilingâl midiant dal so servizi di traduzion in lenghe furlane.

A fevelin in marilenghe no dome i materiâi promoziônai in cjarte ma ancje il sît internet gnûf di scree de manifestazion. Il furlan al jentre duncje intal vîf de fieste e de convivialitât ancje midiant dai struments in linie.

Graciis ae ARLeF, infin, ancje ducj i espositôrs a àn podût usufruî dal servizi di traduzion gratuit par fâ materiâi di servizi e promoziônai plurilingai (menûs, listins presits, banner,depliant, schedis prodot).

Udine, ai 7 di Setembar dal 2016

### INFORMAZIONS PE STAMPE - INFORMAZIONI PER LA STAMPA

**Ufficio Stampa ARLeF** CALT relazioni pubbliche Tel. + 39 0432 229127 / **e-mail: arlef@caltpr.it**  
Adriano Del Fabro - mob. + 39 338 3245229 / Adriana Cruciatti - mob. +39 335 6853775

<<<<<<<<<<<<